

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
11.05.2020թ. կայացված ԱՖ271594 որոշումն անփոփոխ, իսկ վարչական բողոքն առանց
բավարարման թողնելու մասին

<<22>> 05 2020թ. 7-13- 5809

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Զավեն Կոռյանի ՄԴ/32920-20 դիմումի քննարկման արդյունքում ստեղծված
նյութերը՝

Պ Ա Ր Զ Ե Ց Ի

Շիրակի մարզի Գյումրի քաղաքի Շիրակացու 8 զինվորական թաղամասի 2 շենքի 17
բնակարանի բնակիչ Զավեն Կոռյանը դիմումով խնդրել է բեկանել Ճանապարհային
ոստիկանության վարչական իրավախախտման վերաբերյալ գործով 11.05.2020թ. կայացված
ԱՖ271594 որոշումը՝ նշելով իր անհամաձայնությունը որոշման հետ: Միաժամանակ
հեռախոսակապի միջոցով հայտնել է, որ դիմումին ավելացնելու ոչինչ չունի, խնդրել է դիմումը
քննարկել առանց իր մասնակցության և արդյունքների մասին տալ գրավոր պատասխան:

Դիմումի քննարկման արդյունքում պարզվել է, որ վարչական իրավախախտման
վերաբերյալ գործով 11.05.2020թ. կայացված ԱՖ271594 որոշումը ենթակա է կատարման
հետևյալ պատճառաբանությամբ.

Վարչական իրավախախտումների վերաբերյալ << օրենսգրքի 124-րդ հոդվածի 1-ին մասի
համաձայն՝ տրանսպորտային միջոցների վարորդների կողմից ճանապարհային նշանների կամ
ճանապարհային գծանշումների պահանջները չկատարելը առաջացնում է տուգանքի
նշանակում՝ սահմանված նվազագույն աշխատավարձի հնգապատիկի չափով:

<< կառավարության <<Ճանապարհային երթևեկության կանոնները և տրանսպորտային
միջոցների շահագործումն արգելող անսարքությունների ու պայմանների ցանկը սահմանելու
մասին>> թիվ 955-Ն որոշման համաձայն 2.4՝ «Զիջեք ճանապարհը» ճանապարհային նշանի
առկայությամբ վարորդը պետք է զիջի ճանապարհը հատող ճանապարհով, իսկ 8.13՝ «Գլխավոր
ճանապարհի ուղղություն» ցուցանակի առկայության դեպքում՝ գլխավոր ճանապարհով
ընթացող տրանսպորտային միջոցներին:

Ուսումնասիրությամբ պարզվել է, որ 11.05.2020թ. ժամը 11:05-ի սահմաններում Սպիտակ
քաղաքի Վանաձորյան խճուղում քաղաքացի Զավեն Կոռյանի վարած <<FORD>> մակնիշի
340A289 հաշվառման համարանիշի ավտոմոբիլը կանգնեցվել է Ճանապարհային
ոստիկանության ՃՊԾ 2-րդ սպայական գումարտակի 5-րդ սպայական վաշտի 1-ին սպայական
դասակի տեսուչ, ոստիկանության ավագ լեյտենանտ Ա.Մայիլյանի կողմից՝ << կառավարության
<<Ճանապարհային երթևեկության կանոնները և տրանսպորտային միջոցների շահագործումն
արգելող անսարքությունների ու պայմանների ցանկը սահմանելու մասին>> թիվ 955-Ն
որոշմամբ սահմանված 2.4՝ «Զիջեք ճանապարհը» ճանապարհային նշանի պահանջի
խախտման համար, այն է՝ տրանսպորտային միջոցի վարորդը «Զիջեք ճանապարհը»
ճանապարհային նշանով կահավորված ճանապարհով երթևեկելիս 8.13՝ «Գլխավոր
ճանապարհի ուղղություն» ցուցանակի առկայության դեպքում չի զիջել ճանապարհը գլխավոր
ճանապարհով ընթացող տրանսպորտային միջոցներին:

Ճանապարհային ոստիկանության ծառայողի կողմից տրված պարզաբանման համաձայն
քաղաքացի Զավեն Կոռյանի կողմից կատարված իրավախախտումը հիմնավորող՝

տեխնիկական միջոցների կիրառմամբ ձեռք բերված այլ ապացույցներ առկա չեն, սակայն իրավախախտումը եղել է անմիջապես իր տեսադաշտում, ակնհայտ և պարզ տեսանելի, ինչի կապակցությամբ կազմվել է համապատասխան արձանագրություն և կայացվել ԱՖ271594 որոշում: Ճանապարհային ոստիկանության տեսուչ Ա.Մայիլյանի պարզաբանմամբ, Սպիտակ քաղաքի Վանաձորյան խճուղում անշարժ պահակետում ծառայություն է կատարել ոստիկանության այլ ստորաբաժանումների ծառայողների հետ համատեղ: Միաժամանակ ոստիկանության ծառայողը հայտնել է, որ իր և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե **ակնհայտ** կամ տեխնիկական միջոցների օգտագործմամբ **երևում է, որ վարորդը խախտել է ճանապարհային երթևեկության կանոնների պահանջները**: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 11.05.2020թ. կայացված ԱՖ271594 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Զավեն Կոռյանին և Ճանապարհային ոստիկանության ՃՊԾ 2-րդ սպայական գումարտակ:



Ե. Կարապետյան